

Ko My Homecare e ravenga kare e tutaki tei runga i te initaneti ta matou e oronga nei ki ta matou au kiritaki, kia rauka ia koe e to kopu tangata i te maata atu o te ikianga e te akatereanga i ta kotou au tauturu i te kainga na roto i te initaneti. Ka rauka ia koe i te akanoo e te akara i te au taime tauturu taau e inangaro ana, ka tuatua atu i te akakiteanga no runga i taau porokaramu tauturu ki toou pupu turu, e ka tuku i te taime angaanga a toou taata tauturu na roto i te initaneti. Me kore, ka rauka katoa ia matou i te akatere katoatoa i taau tauturu me ko te reira taau e inangaro.

Me inangaro koe i te akatomo i toou ingoa e te kamata i te taangaanga i te My Homecare, kapiti mai na roto i te terepona 0800 002 722 me kore imere ki [myhomecare@healthcarenz.co.nz](mailto:myhomecare@healthcarenz.co.nz)



# Tauturu i te Kainga kua Tutaki Katoa te Utu

Tauturu i te Kainga e te Komiuniti e te au Angaanga Nēti

## Akapeea te tuku mai anga ki ta matou au tauturu kua tutaki katoatoa

Ka rauka ia koe i te iki i te tangata me kore putuputuanga ka oronga i taau tauturu i te kainga.

Me uriuri koe i toou au inangaro ki toou taote kopu tangata, taote rapakau, Needs Assessment Services Coordinator, Services Connector me kore ACC Coordinator, pati atu kia tukuia mai koe ki HealthCare NZ.



0800 002 722

[info@healthcarenz.co.nz](mailto:info@healthcarenz.co.nz)

[www.healthcarenz.co.nz](http://www.healthcarenz.co.nz)



0800 002 722

[info@healthcarenz.co.nz](mailto:info@healthcarenz.co.nz)

[healthcarenz.co.nz](http://healthcarenz.co.nz)

## Eaa i iki ei i a HealthCare NZ?

Te akaoki mai anga i te au tauturu rapakau ki te ngai taau e kapiki nei e ko toou kainga, ko ta matou ia manako mei te mataiti 1988 mai. Ko te kainga te ngai e kite ei tatou i te tu ngateitei e te akapirianga. Ko te ngai i kite ei tatou i to tatou kopu tangata e pakari mai ana, te ngai e tiaki ei te au tangata tupu, e ko te ngai katoa ta tatou e inangaro kia noo i te taime e akatere ana tatou i to tatou oraanga.

Na roto i ta matou kite e te pakari, ka rauka ia koe i te irinaki mai kia matou kia oronga i te tauturu meitaki, paruru, e tei akanooia kia tau tikai ki runga ia koe.

Tei konei matou i te 24 ora i te rā, 7 rā i te epetoma. Me e uiui taau no runga i taau tauturu me kore toou turanga oraanga, ka rauka ia koe i te kapiki i ta matou Service Centre i tetai ua atu taime.

Ka rauka i ta matou pupu angaanga i te enua katoa nei i te tauturu ia koe i te ngai taau e noo ra. Me neke koe ki tetai atu ngai i roto i Aotearoa, ka akanoo matou kia kore e motu taau tauturu.

Ka akangateitei matou i taau ikianga kia riro tetai tangata taau i kite ei ei mema no taau pupu tauturu tutaki.

Kua akapapuia matou kia aru i te au turanga New Zealand Health and Disability Sector Standards.



## Au Tauturu Komiuniti e te Akatupu Akaouanga

Ka tauturu ta matou au Tauturu Komiuniti e te Akatupu Akaouanga i te au tangata i roto i te inangaro kia rauka ia ratou te pakari katoatoa e kia ora rekareka e te tu rangatira. Ei putuputuanga tauturu maata roa i Aotearoa, kua tauturu matou i te au tangata kia noo rangatira na roto i te au ravenga tauturu i roto i te komiuniti e te kainga, tei raro ake i te akateretereanga a te au tangata tauturu kua apiia e te au taote rapakau kua akapapuia.

### Ka rauka ia matou i te tauturu ia koe na roto i:

- Te tiaki i te kopapa mei te orei, te kakauanga e te akameitakianga
- Te au angaanga tauturu i te kainga mei te tamā, te vacuum e te au angaanga mama i roto i te ngutuare
- Te akatere i taau kai
- Te kai i te rongoā ma te paruru
- Te au korikorianga ei akamaata i toou nekeanga e te irinakianga
- Te apii i te au ravenga ou no te akatere i te au maki
- Te noo kapiti ki roto i te komiuniti mei te uru atu ki te pupu, club me kore porokaramu
- Te oronga i te tauturu ei akamaata i te tu rangatira na roto i te ravenga akanooia ki runga i te tangata

## Au Angaanga Nēti ACC e te District Nursing

Tei roto ta matou au nēti i te ngakau o te komiuniti aroa e te tiaki. Te vai nei tetai nēti kapiki-tonu tei teatea i te 24/7. Ka rauka ia koe i te irinaki e ka rauka te tiaki meitaki roa atu e te tauturu i te taime e tiaki ana koe i toou tu rangatira e te tu oraanga, i roto ua i toou kainga e toou komiuniti. Te kapiti nei ta matou au angaanga nēti i te:

### Nēti ACC

Ka oronga ta matou pupu nēti i te au ravenga tiaki maki pakaru katoatoa no te au tangata kua akatikaia e te ACC, e kare e rauka ia ratou i te aere ki te clinic no te tau i te paruru maki pakaru no te mataiti me kore no te manamanata kopapa. Ka angaanga kapiti katoa matou ki te au tangata e inangaro ana i te tiaki nēti roa no te maki pakaru maata.

### District Nursing (i Christchurch anake)

Ka tauturu ta matou pupu District Nursing i Christchurch ia koe na roto i te tuku vave anga ki te kainga mei te are maki, porokaramu arai i te topaanga, tiaki i te au maki kino e te akateretereanga i te maki pakaru. Ka oronga katoa matou i te tauturu pakari no te ngakau e te mama, i muri ake i te taotutanga, kia rauka ia koe i te oki vave ki te kainga.

Aere ki ta matou website no te akakiteanga maata atu.

